



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt X. Explicantur scripturæ diuinæquidam loci, qui supradictis
aduersari posse videantur.

[urn:nbn:de:hbz:466:1-46059](#)

quia in eadem vita non fideliter ambulabant, & hoc in eorum cordibus non erat Dominus, quamvis hominibus aliter appareret: quid dicant de parvulis, qui plerique in illa ætate Christianæ gratiæ sacramento sinnunt crescere, & nonnulli apostatae fiunt? Sic diuus Augustinus, istorum etiā notans temerarias præsumptiones, qui de occultis sic iudicant alienis, ut negent veram fuisse fidem, veramque pietatem eorum quos postea viderint manifesto lapsu defecisse. Tanquam si Petrum dicant nunquam veraciter Christum amasse, aut nunquam vera fide illud dixisse: Tu es Christus Filius Dei vivi, quia postea negando ceciderit. Dicserunt aduersus hunc errorēm & diuus Bernardus Epistola quadragesima secunda ad Heinricum Episcopum Senonensem: quemadmodum locum, vitandæ prolixitatis gratia, lectorem remittendum putauimus.

CAPUT X.

Explicantur scripturæ diuinæ quidam loci, qui supra dictis aduersari posse videantur.

CVM igitur certissimum sit, in hac tanta naturæ fragilitate, perceptam semel quamvis magnam iustitiam & gratiæ libertatem amitti posse peccandoꝝ quæras modò quid sibi velit quod beatus Ioannes ait, eum qui natus sit ex Deo, non in modò non peccare, sed ne peccare quidem posse. Et Augustini quidem Com-
mentarius eiusmodi est, ut de omni peccato locis in-
telligatur: dicaruntque non posse peccare is qui natus est ex Deo, ne venialiter quidem, qua parte sit ex Deo
natus, & quia charitas, secundum quam natus ex Deo
est, non agit perperam, nec cogitat malum. Cùm enim
peccat homo, nō secundum charitatem, sed secundum
cupiditatem peccat. At diuus Hieronymus peccatum
intelligit mortale, quale à filijs diaboli sepe committi-
tur: à filijs vero Dei committi non potest, quamdiu

1. Ioannis 3: 1.

*Lib. de gratia
Christi. c. 2. 2.*

esse Dei filij perseverant: ut hic sit Epistolæ sensus, diuo quidem Hieronymo interprete: Propterea; inquit, scribo vobis, filioli mei, omnem qui natus es ex Deo, non peccare, ut non peccetis: & tamdiu sciatis vos in generatione Domini permanere, quamdiu non peccaueritis. Imò qui in generatione Domini persecuerant, peccare non possunt. Quæ enim communicatio luci & tenebris? Christo & belial? Quomodo dies & nox misceri non queant, sic nec iustitia & iniquitas, peccatum & opera bona, Christus & Antichristus. Si suscipimus Christum in hospitio cordis nostri, illico fugamus diabolum. Si peccauerimus, & per peccati ianuam ingressus fuerit diabolus, protinus Christus recedit. Hæc diuus Hieronymus. Estque nihilominus

De natura & apud Augustinum & illa tertia insinuata explicandi gratia, c. 14. ratio; ut dicatur non posse, quia non debeat. Nam & illud, inquit, quod dictum est, Non potest peccare; pro eo dictum esse, ac si diceretur, Non debet peccare: non improbanda mihi videtur huius assertio. Quis enim insanus dicat, debere peccari, cum ideo sit peccatum, quia non debet fieri? Hæc capite decimoquarto libri de natura & gratia. At non leviter forsitan & illa moveant, quæ tum in Epistola ad Romanos, tum in ea quæ prior scripta est ad Corinthios, beatus Apostolus suis verbis consignata reliquit. Siquidem ad Romanos, certum se dicit esse, nulla vi diuelli nos posse à charitate Dei, quæ est in Christo Iesu Domino nostro. In priore verò ad Corinthios capite decimo: Tentatio, inquit, vos non apprehendat nisi humana: ubi vetus haber translatio, Tentatio vos non apprehendit, id est, ut quidam annotarunt, non apprehendet, nisi humana. & adiungit: Fidelis autem Deus est, qui non patietur vos tentari supra id quod potestis: sed faciet etiā cum tentatione prouentum, ut possitis sustinere. Verum arbitror beatum Apostolum vtroque loco ad electos respe-

respexisse: quorum ad numerum & Romanos, & Corinthios, seq. ipsum pertinere iusta fiducia persuasum habebat. Hoc enim ut sentiret, tam felicia initia, bonisque adeò progressus postulabant. Quoniam, ut ait ipse, qui cœpit in vobis opus bonum, perficiet usque in diem Domini nostri. Quanquam ipsum interim in Epistola ad Romanos certitudinis verbum, non nimis urget, ut ad fidem pertinuisse putemus illam usque adeò indubiam in charitate Dei perseveratiā: qui non ignoramus in eadem Epistola: vocem candē usurpati, ubi constet eam rem de qua certum se dicat esse, minimè subiectā fuisse fidei Christianæ. Certus sum, inquit, fratres mei, & ipse de vobis, quoniā & ipsi pleni estis dilectione. Quo loco quid est, Certus sum, nisi persuasum habeo, vehementerque confido? Quocirca nec altero in loco vox illa certitudinis ita premi potest, ut nos cogat de omnibus ijs qui semel liberati sint, nobisque ipsis, credere perseveraturos esse, neque ullis aut prosperis aut aduersis à charitate qua diligatur Deus, separandos. Est enim alia fidei, quę propriissimè sic dicta est, certitudo; alia fiduciæ, per quam omni dubitatione remota, quę animū huc atque illuc non sine molestia anxiæ fluctuationis impellit, in uno quopiā, quod sic esse putemus, libera persuasione defigimur. Neque enim idem sunt, credere fidei Christianæ sic esse, & sic esse vehementer tranquilleque confidere. In illo falli non possumus, quia fidei subesse falsum non potest: In hoc vero falli opinione vel exspectatione sua contingit. Est enim non certae notitiae, sed bona fiduciæ quadam certitudo: de qua Apostolus ad Philippenses, capite primo (vbi Græcè vox eadem est quę loco citato ad Romanos) Confidens hoc ipsum, quia qui cœpit in vobis opus bonū, perficiet. Neque enim fidei est, quod qui cœpit, perficiet: aut pro fidei articulo Paulus habuit, Philippenses perseveraturos esse: sed

ex bonis initijs, bonos exitus atque progressus valde sperabat. Sic igitur & ad Romanos ait: Certus sum, id est, confido, quomodo & D. Ambrosius legit, Serm. 8. in Psalm. 118. à quo nihil differt quod alij reddunt, Persuasum habeo. De qua persuasione & beatus Ioannes in Epistola dicit: Filioli, diligamus opere & veritate, & in conspectu eius suadebimus corda nostra. & Petrus: Satagit ut per bona opera certam vestram vocationem faciatis. Diuus quidem Chrysostomus homilia quinta in posteriorem ad Timotheum, ad illa Pauli verba, Christi stabile fundatum nutare non potest, quod huiusmodi est signaculo prædictū: Nouit Dominus qui sunt eius, & recedit ab iniquitate omnis qui inuocat nomen Domini. in ea igitur verba commentatur, in hunc modum: Ostenditur ex his, inquit, eos qui peruersi sunt, antea stabiles non fuisse. Neque enim primo statim impulsu eversi fuissent: sicut neque Adam ante mandatum stabilis fuit. Qui enim firmi in fide & fixi sunt, non modo nihil ab huicmodi seductoribus violantur: verum ipsa sua constantia admirationi habentur magis. Sed hoc diuī Chrysostomi nihil patrocinatur errori illi veteri, quondam quidem Iouiniani, iam vero & Caluini, quo asseritur, in his qui relabi videntur, nunquam veram fuisse fidem atque iustitiam. Aliud quippe est, non stetisse in fide & iustitia: aliud, in eadem non fuisse stabilem. Neque enim decidere à iustitia posset quisquam, nisi in ea stetisset prius. Ipse quoque Adamus, quin vera fuerit iustitia donatus beneficio creationis, nullum est dubium inter Catholicos tractatores. propterea enim non solum ad imaginem, verum etiam ad similitudinem opificis sui conditum esse diuina scriptura com memorat: ut nimirum in eo, quemadmodum D. Leo scribit, tanquam in speculo quodam, diuinæ bonitatis forma respléderet, haberetque vitæ spiraculum, non ad hoc modo, ut vi-

Serm. 8. de 16.
anno 10. mens.
8.

tam ageret illam animalem, quæ nobis est communis
cum pecoribus; verum illam etiam omnino quæ digna
eset natura prædicta ratione, quam Dei imitaticem, &
angelorum viuendo similem esse decebat. A. Moysè
enim, inquit Cyrillus, didicimus, spiritu ad diuinam ^{Lib. 1. in Gen.}
imaginem hominem sigillatum fuisse. Et sufflavit in ^{cap. 3.}
faciem eius, inquit, spiraculum vitæ. Simul enim & vi-
tam creature Spiritus immisit, & characterem suum,
utrum decet, impressit; & sic rationale ab artifice Deo
animal constitutum, mandatum ad salutem accepit, &
fuit in Paradiso, quo usque gratiam Creatoris, Spiritu
sancto inhabitante, seruauit. Sed posteaquam diaboli-
ca fraude seductus, Dei præcepta contempsit, & spre-
to mandato gratiam perdidit; terram se esse, & in ter-
ram reuersum audiuit. Hec aliaque Cyrillus eodem
spectantia: nempe ut & dignitatem creati in gratia ho-
minis, & lapsum eius, quo illam amisit, firma persua-
sione teneremus. Nam quid aliud & scriptura nobis
commendat, ubi scriptum est: Homo cum in honore ^{psalm. 48.}
fuerit, non intellexit: comparatus est iumentis insipien-
tibus, & similis factus est illis? Sed non cecidisset, si
fuerit in iustitia semper fixus & stabilis. Nam quem-
admodum est à Boëtio dictum:

Qui cecidit, stabili non erat ille gradu.

Quod non ita accipiendum est, quasi qui cecidit, is
nunquā antea firmus fixus que stetisset: sed quia paulo
certè prius quam prorsus collaboretur, in ipso tentatio-
nis impulsu, & post suggestionem admissam, quadam
deliberatione peccandi, stabilis non fuisse conuincitur
qui cecidit. Stabiles autem fixique sunt, ac proinde vi-
tores evadunt, qui in ipso statim temptationis ingressu
sece opponunt, nec suggestionem pestiferam admittut
in animum: neque dignam ducunt, de qua cogitent
semel: sed mox eo solo nomine, quia contra Dei man-
datum sit, respuunt, forasque proturbant.